



**variety**  
the children's charity



# Te Tautāwhi i ngā Tamariki o Aotearoa

E tautoko ana i ngā tamariki me ngā rangatahi  
kia puāwai ai rātou ki Aotearoa nei

[variety.org.nz](http://variety.org.nz)

## Ngā mahi a Variety

Ka hoatu a Variety i ētahi pūtea ki ngā kaitiaki tamariki ki te āwhina i tā rātou whakarato i ngā mea e matea ana e ā rātou tamariki. Nā te mea he rerekē ngā matea o tēnā, o tēnā tamaiti, ka āwhina a Variety ki te hoko i ngā mea waiwai mō te mātauranga me te hauora.



# Ka pēhea tā Variety āwhina:

---

## Te Tautāwhi i ngā Tamariki o Aotearoa

Ka tūhono Te Tautāwhi i ngā Tamariki o Aotearoa i tētahi tamaiti (e whā ki te 17 tau te pakeke) ki tētahi kaitautāwhi māna e āwhina ki te hoko i ngā mea waiwai e matea ana e te tamaiti, pērā i ngā kākahu, ngā hū, ngā hīti, ngā utu mō te kura, te tākuta, me ngā mahi o waho i te kura. Ka hoatungia hoki ki ngā tamariki e tautāwhitia ana e Te Tautāwhi i ngā Tamariki o Aotearoa ētahi pūtea hei whakamahi mā rātou mō te mahi korikori te take.

## Kia Korikori Au – Kia Tū

Ko Kia Korikori Au – Kia Tū tētahi wāhanga o Te Tautāwhi i ngā Tamariki o Aotearoa. Ka taea te whakamahi mō ngā kākahu, ngā taputapu, me ngā utu e whai wāhi atu ai ngā tamariki ki ngā kēmu, ki te whakapakari tinana, ki te kanikani, ki te tākaro, ki te hākinakina hoki.

## Pūtea Takitahi

Ko te Pūtea Takitahi tētahi utu kotahi. Ka taea te whakamahi mō ngā aromatawai hauora, ngā taputapu neke tinana me ngā taputapu tautoko, te moenga me ngā hīti, ngā kākahu me ngā pūrere matihiko. Ka taea e te kaitiaki tētahi Pūtea Takitahi te tono ahakoa rānei kua whakawhiwhia tāna tamaiti ki Te Tautāwhi i ngā Tamariki o Aotearoa.



# He aha Te Tautāwhi i ngā Tamariki o Aotearoa?

Ka hoatu Te Tautāwhi i ngā Tamariki o Aotearoa i te 450 tāra ki tō tamaiti i ia tau hei āwhina i tō hoko i ngā mea e matea ana e ia mō te kura, mō te hauora, mō te whai wāhi ki ētahi ngohe hoki. Ka āhei te tamaiti ki Te Tautāwhi i ngā Tamariki o Aotearoa tae noa ki tana rā whānau 18.



## Ka pēhea te mahi a Te Tautāwhi i ngā Tamariki o Aotearoa?

Ka tūhonotia tō tamaiti ki tētahi kaitautāwhi e noho ana ki Aotearoa. Kia whiwhi te tamaiti i tētahi kaitautāwhi, ka āhei rātou ki te pūtea mō ngā mea waiwai me te mahi korikori.

### Ka hoatungia te 450 tāra ki a koe i ia tau hei utu i ngā mea waiwai pērā i te:

- Kākahu me ngā hū (mai i te Warehouse)
- Kākahu kura
- Hīti me ngā tāora
- Taputapu kura
- Noho puni kura
- Pūrere matihiko (ki te 200 tāra te utu)
- Mahi o waho i te kura (kura me ngā karapu)

**Ka hoatungia hoki ki a koe te 300 tāra hei utu i ngā ngohe me ngā hākinakina – pērā i te kākahu me ngā hū, ngā taputapu me ngā utu.**



## Ka taea e au Te Tautāwhi i ngā Tamariki o Aotearoa te tono mō tāku tamaiti, mō āku tamariki rānei?

Kia wātea ai koe ki te tono i Te Tautāwhi i ngā Tamariki o Aotearoa, me pēnei rawa tō tamaiti:

- E whā ki te 17 tau te pakeke; Ā
- He kainoho tūturu ki Aotearoa, he kirirau rānei; Ā
- Me whakatutuki hoki tō whānau i ngā paearu whiwhinga pūtea e takoto ana ki tō mātou pae tukutuku: [www.variety.org.nz/get-support/apply-for-kiwi-kid-sponsorship](http://www.variety.org.nz/get-support/apply-for-kiwi-kid-sponsorship)

Ka taea e koe te tono kia tautāwhitia **ō tamariki katoa** e Te Tautāwhi i ngā Tamariki o Aotearoa, engari tērā pea ka roa rawa te wā e whiwhi kaitautāwhi ai rātou katoa.

### He aha te kaitautāwhi?

Ko te kaitautāwhi tētahi tangata mākohā e manawanui ana ki te hauora o tō tamaiti. Ka utu te kaitautāwhi o tō tamaiti i ngā mea e matea ana mā roto i a Variety. Ka whiwhi te kaitautāwhi i tētahi whakaahua o tō tamaiti. Ka hoatu noa a Variety i te ingoa tuatahi o tō tamaiti, i tōna pakeke, me te rohe e noho ana ia ki tōna kaitautāwhi.

# He kōrero anō āu mō Kia Korikori Au – Kia Tū?

Katoa ngā tamariki i runga i Te Tautāwhi i ngā Tamariki o Aotearoa ka whiwhi i te 300 tāra i ia tau hei āwhina i tā rātou korikori me te uru atu ki ngā mea e arohaina ana e rātou.



## **Ka taea ngā pūtea a Kia Korikori Au – Kia Tū te whakamahi mō ngā mea pērā i te:**

- Kākahu me ngā hū mō ngā ngohe me te hākinakina
- Kākahu me ngā hū mō te kanikani
- Paihikara, te papawīra, te kutarere
- Utu rēhita me ngā ohaurunga
- Taputapu me ngā utauta – pērā i te turapa, ngā hū hīkoi, ngā maitai, ngā hauhau, ngā rākau, me ngā pōro
- Kahu tākaro
- Mahi whakaako
- Utu whakataetae
- Puni hākinakina
- Haerenga.

Tērā pea kei te mōhio pai tō tamaiti ki tāna e hiahia ana, engari ka hiahia ētahi atu tamaiti ki te tautoko. Pātai atu ki tō tamaiti mō ngā ngohe e pai ana ki a rātou, mō te āhua hoki o te whakapau i ā rātou pūtea nā Kia Korikori Au – Kia Tū.

“He nui rawa te kawekawe o Kia Korikori Au – Kia Tū ki ahau me tōku ao. He nui ake ngā ngohe ā-tinana e whai wāhi atu ana ahau, he nui ake ngā hoa e tūtaki ana ahau, me te huhua noa o ngā āheinga. Engari ko te mea nui, nā te pūtea me te tautoko e ahu mai ana i a Kia Korikori Au – Kia Tū kua āwhinatia ōku mātua ki te utu i ngā nama hākinakina i te kura, kua māmā ake hoki te mahi a ōku mātua.”



# Me pēhea te tono i Te Tautāwhi i ngā Tamariki o Aotearoa?

Whakaotia te pukapuka tono ā-ipurangi ki **variety.org.nz**. Kei te pai tō pātai atu ki tētahi kaimahi pāpori, ki tētahi kaitohu tahua, ki tētahi kaiako, ki tētahi hoa rānei ki te tono mōu.





## **Ka tono ana koe, me tāpiri rawa koe i tētahi o ēnei ki tō pukapuka tono:**

- Tētahi Community Services Card nō tēnei wā tonu nei, **TĒRĀ RĀNEI KO**
- Ētahi tauākī pēke nō ngā marama e rua, **TĒRĀ RĀNEI KO**
- Tētahi pukapuka tahua nā tētahi umanga tahua.

## **Me tāpiri hoki koe i ēnei:**

1. Tētahi whakaahua ngangahu, tētahi whakaahua whaikano o tō tamaiti i whakaahuatia inātata nei; ME
2. Tētahi tāruatanga o te tiwhikete whānautanga o tō tamaiti, tētahi tāruatanga rānei o tōna uruwhenua, o tōna pane uruwhenua rānei.



He taurira whakaahua

## **Ka ahatia ā muri ake nei?**

Ā muri i tō tononga, ka whakaurua tō tamaiti ki te rārangi tatari o Te Tautāwhi i ngā Tamariki o Aotearoa.

I ētahi wā, ka pau te ono marama i mua i te kōwhiri i tētahi kaitautāwhi mō tō tamaiti, engari i ētahi atu wā, ka roa ake.

## **Ka ahatia ā te wā ka whiwhi taku tamaiti i tētahi kaitautāwhi?**

Kia whiwhi rawa tō tamaiti i tētahi kaitautāwhi, ka īmēra a Variety i tētahi Kete Whakatau ki a koe, kei roto rā ko ētahi atu kōrero mō Te Tautāwhi i ngā Tamariki o Aotearoa.

## **Ka whiwhi tō tamaiti i te:**

1. 450 tāra hei hoko i ngā mea waiwai ME
2. te 300 tāra hei whakamahi mō te hākinakina, te tākaru, me ngā ngohe te take.

## **Me pēhea te whakamahi i te pūtea a taku tamaiti?**

### **Kōrero atu ki a Variety:**

1. Toro ki: [www.variety.org.nz](http://www.variety.org.nz)
2. Īmēra: [kiwikids@variety.org.nz](mailto:kiwikids@variety.org.nz)
3. Waea atu ki (09) 520 4111.

Ehara i te mea me whakahoki rawa koe i te pūtea nā Variety i hoatu.

# Tō kura me Te Tautāwhi i ngā Tamariki o Aotearoa

---

Tērā pea he kaiāpai ā-kura kei tō kura. Ko ngā kaiāpai ā-kura he kaimahi o te kura e āwhina ana i ngā whānau me ngā kaiāpai tamariki ki te tono i Te Tautāwhi i ngā Tamariki o Aotearoa, e āwhina ana hoki ki te penapena i ā rātou pūtea nā Variety.

Pātai atu ki te tari o tō kura, tuku īmēra rānei ki **kiwikids@variety.org.nz** kia nui ake ai tō mōhio ki tō kaiāpai ā-kura.

Mā tō kaimahi pāpori, tō kaitohu tahua, tō kaiako rānei koe e āwhina ki te tono i Te Tautāwhi i ngā Tamariki o Aotearoa.

“He nui rawa ngā āheitanga, he nui ake i ērā kua pā mai ki a au mēnā kāore au i tautāwhitia e te kaupapa a Variety, e Te Tautāwhi i ngā Tamariki o Aotearoa. Nā tērā kaupapa i whiwhi au i ngā mea e matea ana mō te kura me ērā atu mea pērā i te utu hākinakina.”

“Nā Variety i wātea ai āku tamariki ki te mahi i ngā mea kua kore pea e whai wāhi atu ai rātou i mua rā. Kua mōhio hoki rātou, mēnā ka ara ake tētahi mea i te kura, ka taea e rātou te toro atu. Mēnā he matea ō rātou, e mōhio pū ana rātou ka ea taua matea, ā, e kore rātou e noho me te whakamā i te korenga o ngā mea e tika ana mō te whakauru atu ki te mahi.”



# He aha te Pūtea Takitahi?

Ko te Pūtea Takitahi tētahi utu kotahi mō tētahi mea e matea ana e tō tamaiti.

## Ka taea e koe te Pūtea Takitahi te tono mō:

- Tētahi moenga, tētahi moenga pēpi rānei, me ngā hīti
- Tētahi tūru haumaruru me ngā taputapu pēpi
- Ngā taputapu hauora me ngā taputapu neke tinana
- Ngā aromatawai hauora me ngā aromatawai mātauranga
- Ngā hui tākuta
- Tētahi pūrere matihiko (mā ngā tamariki kua 8 ki te 18 tau anake)
- Ngā mahi o waho i te kura
- Ngā noho puni kura
- Ngā kākahu kura
- Ngā hū me ngā kākahu.

Ka taea e koe tētahi Pūtea Takitahi te tono ki tō mātou pae tukutuku [www.variety.org.nz](http://www.variety.org.nz)



## Ka arotake a Variety i ngā tononga mō te Pūtea Takitahi i ia hauwhā o te tau. Kei te pai noa iho tō tono i te pūtea ahakoa te wāhanga o te tau.

Te rā kati	Kua whakatauria
31 o Hānuere	Whakamutunga o Pēpuere
30 o Āperira	Whakamutunga o Mei
31 o Hūrae	Whakamutunga o Ākuhata
31 o Oketopa	Whakamutunga o Noema

## Ka ahatia ā muri ake nei?

- Ki te **whakaaetia** tō tono i tētahi Pūtea Takitahi, ka whakamōhiohia koe ki te īmēra.
- Ki te **whakaaetia** tō tono i tētahi moenga, i tētahi pūrere matihiko rānei, mā Variety e hoko, ā, ka tukuna ki tō kāinga.
- Mēnā koe i tono mō tētahi taputapu neke tinana, mō ētahi nama tākuta rānei, me tuku koe i tētahi nama GST ki a Variety
- Ki te **kore e whakaaetia** tō tono, ka whakamōhiohia koe ki te īmēra. He nui ngā tono ka tukuna mai ki a Variety, ā, kāore e taea ngā tono katoa te whakaae.

Ki te hiahia tonu i Te Tautāwhi i ngā Tamariki o Aotearoa, i tētahi Pūtea Takitahi rānei, ki te hiahia tuku rānei i ngā nama me ngā whakatau tata pūtea, tēnā, haere atu ki [www.variety.org.nz](http://www.variety.org.nz)

Ā te wā tuatahi e takiuru ai koe, me rēhita rawa koe. Kia oti pai tō takiuru atu, ka taea e koe:

1. Te haere ki **My Applications** ki te:
  - a. Tono i Te Tautāwhi i ngā Tamariki o Aotearoa
  - b. Tono i tētahi Pūtea Takitahi
2. Te haere ki **My Children** ki te kite i te tapeke Variety o āu tamariki.
3. Te haere ki **My Claims** ki te tuku mai i tētahi nama, i tētahi whakatau tata pūtea rānei.

**Kia maumahara mai:** Tiakina tō kupuhuna ki tētahi wāhi haumaruru, kia pai ai tōna whakamahinga e takiuru ai koe ki te pae tukutuku o Variety.

.....

### Whakapā atu ki a Variety:

Waea: (09) 520 4111

Īmēra: [kiwikids@variety.org.nz](mailto:kiwikids@variety.org.nz)

Level 1, 300 Great South Rd,  
Greenlane, Auckland

P.O. Box 17276, Greenlane,  
Auckland 1546

[variety.org.nz](http://variety.org.nz)

Kua tuhia tēnei mātārere ki te reo Pākehā, ki te reo Māori, ki te reo Hāmoa hoki.

